



**ODBOJKAŠKI SAVEZ BOSNE I HERCEGOVINE**  
**VOLLEYBALL FEDERATION OF BOSNIA AND HERZEGOVINA**  
*Affiliated in FIVB*



**A N E K S**  
**propozicija stalnih takmičenja OS BiH**  
**za takmičarsku 2025/2026. sezonu**

Sarajevo, juni 2025. godine

Na osnovu člana 49. Propozicija takmičenja OS BiH, Upravni odbor OS BiH, na sjednici održanoj dana 14.07.2025. godine, donio je

**A N E K S**  
**Propozicija stalnih takmičenja OS BiH**  
**za takmičarsku 2025/2026. sezonu**

Član 1.

Na osnovu rezultata iz takmičarske 2024/2025. sezone u Premijer ligi BiH i prvim ligama OS F BiH i OS RS, članovi ženske Premijer odbojkaške lige za sezonu 2025/2026. su:

- |     |                          |            |
|-----|--------------------------|------------|
| 1.  | ŽOK „Bimal Jedinstvo“    | Brčko      |
| 2.  | UOK „Banjaluka Volej“    | Banja Luka |
| 3.  | ŽOK „Gacko RD Swisslion“ | Gacko      |
| 4.  | OK“Novi Grad“            | Sarajevo   |
| 5.  | OK“Kula Gradačac“        | Gradačac   |
| 6.  | OK „Goražde“             | Goražde    |
| 7.  | ŽOK“Igman“               | Ilidža     |
| 8.  | ŽOK“Borac“               | Banja Luka |
| 9.  | ŽOK“Radnik“              | Bijeljina  |
| 10. | OK“Centar Ort“           | Sarajevo   |

Član 2.

Na osnovu rezultata iz takmičarske 2024/2025. sezone u Premijer ligi BiH i prvim ligama OS FBiH i OS RS članovi muške Premijer odbojkaške lige za sezonu 2025/2026. su:

- |     |                      |            |
|-----|----------------------|------------|
| 1.  | OK“Modriča Novoprom“ | Modriča    |
| 2.  | HOK „Magic Ice“      | Domaljevac |
| 3.  | OK „Kakanj 78“       | Kakanj     |
| 4.  | OK „Bosna“           | Sarajevo   |
| 5.  | OK „Radnik“          | Bijeljina  |
| 6.  | OK „Borac“           | Banja Luka |
| 7.  | OK“Tempo“            | Ražljevo   |
| 8.  | OK „Ljubinje Bankom“ | Ljubinje   |
| 9.  | OK“Ilidža“           | Ilidža     |
| 10. | OK“Napredak“         | Odžak      |

Član 3.

Ukoliko neki od klubova Premijer lige BiH odustane od takmičenja prije početka prvenstva upražnjeno mjesto se popunjava na način da u Premijer ligu BiH plasman ostvaruje drugoplasirani klub iz entitetskog Saveza iz kojeg je klub koji je odustao od takmičenja. Ukoliko taj klub ne prihvati da nastupa u Premijer ligi BiH upražnjeno mjesto zauzima drugoplasirani klub iz entitetskog Saveza iz kojeg nije klub koji je odustao od takmičenja u Premijer ligi BiH.

Ako se popuna Premijer lige BiH ne ostvari na način propisan u stavu 1. ovog člana, takmičenje se nastavlja sa brojem klubova koje su prihvatili učešće.

Član 4.

Klub koji ne uplati kotizaciju i neizvrši obavezno licenciranje članova kluba u predviđenim rokovima smatraće se da je odustao od takmičenja.

#### Član 5.

Raspored odigravanja utakmica u Premijer ligi izvršiće se žrijebanjem koje će organizovati direktor takmičenja OS BiH u prisustvu predstavnika klubova najkasnije do 10.09.2025. godine.

Raspored odigravanja vrši se na osnovu Bergerovih tablica. Žrijebanjem se dodjeljuju brojevi za Bergerove tablice, klubovima navedenim u članu 1. i 2. ovog Aneksa.

Ukoliko neki od klubova pisano, najkasnije 5 dana prije žrijebanja, zatraže da se omogući „dupli“ program ili da ne bude „duplog“ programa, istima će se udovoljiti ako ima dovoljno mogućnosti u Bergerovim tablicama, u suprotnom udovoljiće se onom zahtjevu koji je ranije pristigao u kancelariju Saveza.

#### Član 6.

Taksa na žalbu iz člana 26. i 30. Propozicija takmičenja OS BiH i taksa na prigovor iz člana 31. Propozicija takmičenja OS BiH iznosi 400 KM.

Taksa na žalbu iz člana 43. Propozicija takmičenja OS BiH iznosi 600 KM.

Ako se u postupku utvrdi da je žalba osnovana uplaćena taksa se vraća podnosiocu žalbe.

#### Član 7.

Klubovi su dužni da uplate kotizaciju u fond zajedničkih troškova za sprovođenje takmičenja u takmičarskoj 2025/2026. sezoni u visini od 4.000 KM neto.

Uplata se vrši u dva dijela:

- prva uplata do 15.07.2025. godine,
- druga uplata do 15.01.2026. godine.

#### Član 8.

Tabela za “LIDER SPORTSKOG PONAŠANJA” u ženskoj i muškoj konkurenciji formiraće se na osnovu broja negativnih bodova dodijeljenih za opomene, kaznene kartone, mandatne i druge disciplinske kazne klubu i zvaničnom predstavniku kluba u svima stalnim takmičenjima u OS BiH podijeljenih sa ukupnim brojem odigranih utakmica:

- |                              |  |
|------------------------------|--|
| - crveni karton              | 1 negativan bod  |
| - žuto-crveni karton zajedno | 2 negativna boda   |
| - žuto-crveni odvojeno       | 4 negativna boda   |
| - mandatna kazna             | (broj negativnih bodova se dobije dijeljenjem iznosa kazne sa iznosom za crveni karton). |

Klub koji iz neopravdanih razloga ne odigra utakmicu dobija 200 negativnih bodova.

U slučaju kada više klubova nema negativnih bodova ili kada više klubova ima isti broj negativnih bodova bolji plasman u konačnom poretku ima klub koji ima više dodijeljenih ocjena „ODLIČAN“ za organizaciju utakmica. Ukoliko su klubovi izjednačeni po tom osnovu bolji plasman u konačnom poretku ima klub koji je bolje plasiran u konačnom poretku u prvenstvu.

#### Član 9.

Odbojkaški savez Bosne i Hercegovine dodjeljuje prvaku Bosne i Hercegovine pehare i zlatne medalje sa tekstom „Prvak BiH za takmičarsku 2025/2026. sezonu“.

Srebrne medalje dodjeljuju se klubu poraženom u finalnu play-off-a, sa tekstom „Finalista play off-a za takmičarsku 2025/2026. sezonu“.

Odbojkaški savez Bosne i Hercegovine dodjeljuje nagradu i priznanje najboljem odbojkašu/odbojkašici (MVP-poenter PL OS BiH) za sezonu 2025/2026. na osnovu prispjelih statističkih zbirnih parametara na kraju sezone iz svih utakmica PL OS BiH. Nagrada, plaketa MVP-poenter 2025/2026 PL OS BiH se dodjeljuje na finalnim utakmicama Play off-a PL OS BiH po završetku utakmice na ceremoniji za dodjele nagrada i pehara.

Član 10.

Odbojkaški savez Bosne i Hercegovine dodjeljuje pehare najbolje rangiranim klubovima u konkurenciji "LIDER SPORTSKOG PONAŠANJA".

Pehar se dodjeljuje na prvoj utakmici u sledećoj takmičarskoj sezoni klubu domaćinu koji je „LIDER SPORTSKOG PONAŠANJA“ za proteklu takmičarsku sezonu.

Član 11.

Aneks propozicija stupa na snagu danom donošenja, a primjenjuje se za takmičarsku 2025/2026.sezonu.

Član 12.

Stupanjem na snagu ovog Aneksa propozicija prestaje da važi Aneks propozicija usvojen na sjednici Upravnog odbora OS BiH broj: 01/1-243/24 od 29.6.2024. godine.

Broj:01/1-304/25

Datum, 14.07.2025. godine

PREDSJEDNIK  
ANITA Glibić, s.r.